



SAKSPAPIR

Saksnr	Utval	Type	Dato
08/2021	Kommunestyret	PS	09.02.2021

Sakshandsamar	Arkiv	ArkivsakID
Åse Elin Myking	FE-145	21/149

PROSESS FOR HANDLINGSPROGRAM OG ØKONOMIPLAN 2022-2025 OG BUDSJETT 2022

Rådmannen sitt framlegg til vedtak:

Prosess for handlingsprogram og økonomiplan 2022 – 2025 og budsjett 2022 vert godkjent slik den ligg føre.

Kommunestyret - Sak 08/2021

KOM - Behandling:

Samrøystes vedtak.

KOM - Tilråding/Vedtak:

Prosess for handlingsprogram og økonomiplan 2022 – 2025 og budsjett 2022 vert godkjent slik den ligg føre.

Saksopplysningar:

Samandrag/konklusjon (kort om saka)

Kommunestyret ynskjer at handlingsplan og økonomiplan 2022 – 2025 vert handsama saman med budsjett for Vaksdal kommune 2022, hausten 2021. Saka syner prosess for politisk involvering og behandling av handlingsprogram og økonomiplan med årsbudsjett for 2022.

Formelt grunnlag

Bakgrunn for saka

Kommunestyret ba rådmannen legge fram ei sak i starten av 2021, om korleis ein best mogeleg kan involvera heile kommunestyret i prosessen med handlingsprogram og økonomiplan/budsjett.

Kommunelova §14 stiller grunnleggande krav til økonomiforvaltninga:

§ 14-1. Grunnleggende krav til økonomiforvaltningen

Kommuner og fylkeskommuner skal forvalte økonomien slik at den økonomiske handleevnen blir ivare tatt over tid.

Kommuner og fylkeskommuner skal utarbeide samordnete og realistiske planer for egen virksomhet og økonomi og for lokalsamfunnets eller regionens utvikling.

Kommuner og fylkeskommuner skal forvalte finansielle midler og gjeld på en måte som ikke innebærer vesentlig finansiell risiko, blant annet slik at betalingsforpliktelser kan innfris ved forfall.

§ 14-3. Behandling av økonomiplan, årsbudsjett, årsregnskap og årsberetning

Økonomiplanen for de neste fire årene og årsbudsjettet for det kommende året skal vedtas før årsskiftet. (utdrag)

Handlingsprogram og økonomiplanen skal ivareta dette lovkravet. Vaksdal har som mange andre kommunar i seinare år behandla denne i vårhalvåret for å ha fokus på det langsiktige perspektivet i forkant av årsbudsjettet.

I 2021 ynskjer kommunestyret å prøve ut ei samla behandling i hausthalvåret. Fleire kommunar, særleg mindre, behandlar økonomiplan og budsjett samla før jul.

I kommunelova er formannskapet gitt innstillingsmynde/-plikt i behandlinga jf §14-3:
Formannskapet eller fylkesutvalget innstiller til vedtak om økonomiplan, årsbudsjett, årsregnskap og årsberetning.

Vidare er det krav om at formannskapet sin innstilling skal offentleggjerast minst 14 dagar før behandlinga i kommunestyret slik at det er mogeleg å kome med innspel til framlegg til budsjett.

Innstillingen til økonomiplan og årsbudsjett, med alle forslag til vedtak som foreligger, skal offentliggjøres minst 14 dager før kommunestyret eller fylkestinget behandler den. Dette gjelder ikke for innstillinger om endring i vedtatt økonomiplan eller årsbudsjett (Kml §14-3).

Vurdering og konsekvensar


Lovkrava til prosess er knytt til formannskapet sin innstilling, høyring i 14 dagar og kommunestyrevedtak før årsskiftet. Formannskapet har sitt formelle budsjettmøte for innstilling til kommunestyret i november. Formelt legg rådmann fram sitt budsjett til dette møtet.

Formannskapet har sett av to dagar i forkant av budsjettmøtet til sitt arbeid med budsjett. I 2021 er formannskapet sitt budsjettseminar 1-2. november.

For å legge til rette for brei involvering og politisk prosess om økonomiplan og budsjett føreslår rådmann å presentere hovudlinjene i økonomiplan og budsjett for kommunestyret i oktober. Kommunestyret får førebels budsjettdokument etter presentasjonen.

Statsbudsjettet for 2022 vert lagt fram i oktober. Endeleg framlegg frå rådmann, med føringar i statsbudsjett, vert lagt fram til budsjettmøtet i november.

Rådmann sitt framlegg til prosess om budsjettet kan skisserast slik:



For å få tidlege innspel til arbeidet med handlingsplan og økonomiplan er det ynskjeleg med ein kort temadel om økonomi i formannskapet i vårhalvåret.